

CYNGOR YMGYNGHOROL SEFYDLOG AR ADDYSG GREFYDDOL (CYSAG)

Cofnodion cyfarfod o'r Cyngor Ymgynghorol Sefydlog ar Addysg Grefyddol (CYSAG) a gyhaliwyd yn YSGOL UWCHRADD Y RHYL , Dydd Mercher, 19 Hydref 2016 am 10.00 am.

YN BRESENNOL

Yn Cynrychioli Cyngor Sir Ddinbych

Y Cynghorwyr Joe Welch and Dewi Owens

Yn Cynrychioli Enwadau Crefyddol

Mr. Simon Cameron, Mr. Dominic Oakes, Rev. B H Jones, Rev. Martin Evans-Jones a Ms S Harris

Aelodau Cyfetholedig

Ms. Ali Ballantyne

HEFYD YN BRESENNOL

Cynghorydd Herio GwE (PL), Andrea Taylor, GwE a'r Gweinyddwr Pwyllgorau (SLW)

1 YMDDIHEURIADAU

Derbyniwyd ymddiheuriadau am absenoldeb oddi wrth Y Cynghorydd Arwel Roberts a/ac Ann Davies

2 DATGAN CYSYLLTIAD

Ni ddatganwyd cysylltiad.

3 MATERION BRYG FEL Y'U CYTUNWYD GAN Y CADEIRYDD

Dim Materion Bryg.

4 COFNODION Y CYFARFOD DIWETHAF

Cyflwynwyd cofnodion pwyllgor Cyngor Ymgynghorol Sefydlog ar Addysg Grefyddol (CYSAG) a gynhaliwyd ar 20 Mehefin 2016 (wedi'u cylchredeg yn flaenorol).

Materion sy'n codi – Tudalen 9 – Eitem 5 Dadansoddi Adroddiadau Archwiliadau Estyn.

Cadarnhaodd Ymgynghorydd Herio GwE bod llythyrau llongyfarch wedi'u gyrru i'r ysgolion perthnasol.

PENDERFYNWYD y dylid, yn amodol ar yr uchod, dderbyn a chymeradwyo Cofnodion y cyfarfod CYSAG a gynhaliwyd ar 20 Mehefin 2016 fel cofnod cywir.

5 YSGOLION ARLOESOL A'R CWRICWLWM NEWYDD

Cyflwynwyd Andrea Taylor, GwE, a wahoddwyd i roi cyflwyniad i Aelodau CYSAG ar Ysgolion Arloesol a'r Cwricwlwm Newydd, gan Ymgynghorydd Herio GwE, Phil Lord.

Ar 30 Mehefin, Cyhoeddodd y Gweinidog dros Addysg a Sgiliau y byddai Llywodraeth Cymru'n derbyn, yn llawn, yr holl argymhellion a nodir yn "Dyfodol Llwyddiannus", adolygiad annibynnol yr Athro Graham Donaldson ar y cwricwlwm a threfniadau asesu Cymru.

Fis Gorffennaf 2015, gwnaeth ysgolion ar hyd a lled Cymru gais i fod yn "Ysgol Arloesol". Byddai'r ysgolion hyn yn troi'n weithlu i weithio fel ymateb i'r adroddiad Dyfodol Llwyddiannus.

Byddai'r Ysgolion Arloesol yn cael eu rhannu'n dri grŵp:

- Arloeswyr Cwricwlwm
- Arloeswyr Digidol, ac
- Arloeswyr y Fargen Newydd (gelwir yn Ddysgu Proffesiynol erbyn hyn)

Roedd y Cynllun yn nodi sut i adeiladu cwricwlwm eang, cytbwys, cynhwysol a heriol, ynghyd â'r pedwar pwrpas a oedd wrth ei wraidd, rhoi cyfle i'r holl blant a phobl ifanc i fod yn:

- Ddysgwyr uchelgeisiol, galluog – a oedd yn barod i ddysgu trwy gydol eu hoes.
- Cyfranwyr blaengar, creadigol – a oedd yn barod i fod yn rhan lawn o fywyd a gwaith.
- Dinasyddion moesegol, cydwybodol – a oedd yn barod i fod yn ddinasyddion i Gymru a'r byd.
- Unigolion iach, hyderus - a oedd yn barod i fyw bywydau boddhaus yn aelodau gwerthfawr i gymdeithas.

Byddai'r cwricwlwm newydd yn uchelgeisiol ond hefyd yn realistig. I sicrhau hynny, byddai Ysgolion Arloesol yn gweithio mewn partneriaeth glos gyda'u clystyrau (gan gynnwys y sector na chynhelir), a'r rhwydweithiau ehangach a thu hwnt er mwyn sicrhau bod cymaint o'n hysgolion â phosib' yn rhan o'r broses gynllunio a datblygu.

Strwythur y Cwricwlwm

Chwe maes dysgu a phrofiad:

- Y Celfyddydau Mynegol
- Iechyd a lles
- Y Dyniaethau
- Ieithoedd, llythrennedd a chyfathrebu

- Mathemateg a rhifedd, a
- Gwyddoniaeth a thechnoleg

Tri chyfrifoldeb traws-gwricwlwm:

- Cymhwysedd digidol
- Llythrennedd
- Rhifedd

Byddai'r cwricwlwm i ysgolion yn cael ei gynllunio i helpu pob plentyn a pherson ifanc i ddatblygu mewn perthynas â dibenion clir y cytunwyd arnynt. Byddai'r dibenion yn cael eu llunio i ddylanwadu'n uniongyrchol ar benderfyniadau ynglŷn â'r cwricwlwm, addysgu ac asesu.

I ategu'r gwaith, nodwyd 4 egwyddor allweddol er mwyn gallu gweithredu'r cwricwlwm newydd. Byddai rhoi'r cwricwlwm newydd ar waith:

- Wedi'i arwain gan dystiolaeth, ac ar sail sybsidiaredd
- Yn uchelgeisiol ac yn gynhwysol
- Yn rheoladwy, yn sydyn, gyda brwdfrydedd ac yn broffesiynol, ac
- Yn unedig.

Byddai angen i bob Ysgol Arloesol, heb ystyried eu prif ffocws (Digidol, Cwricwlwm a/neu'r Fargen Newydd), weithio'n agos gyda'i gilydd i herio'r naill a'r llall a dysgu ganddynt. Gyda'i gilydd, byddent yn galluogi i'r cwricwlwm newydd gael ei weithredu ar draws Cymru, gan gynnwys cefnogaeth barhaus sydd o safon uchel i ddatblygu eu sgiliau addysgu ac arwain.

PENDERFYNWYD bod y Pwyllgor yn nodi'r cyflwyniad.

6 CYSAG – ADRODDIAD BLYNYDDOL DRAFFT 2015-16

Cyfeiriodd Ymgynghorydd Her GwE at yr adroddiad a ddisbarthwyd yn flaenorol ac eglurodd nad swyddogaeth y Pwyllgor oedd trafod cynnwys yr adroddiad ond cytuno ei fod yn adlewyrchiad cywir o'r hyn a oedd wedi cael ei ystyried yn ystod y flwyddyn flaenorol.

PENDERFYNWYD derbyn Adroddiad Blynyddol Drafft 2015-16 a nodi'r cynnwys.

7 YMARFERYDD ARWEINIOL – CEFNOGI'R MANYLEBAU TGAU NEWYDD

Cyflwynodd Ymgynghorydd Her GwE ddiweddariad ar lafar o raglen yr ymarferydd arweiniol a sut roedd yn berthnasol i arholiadau Astudiaethau Crefyddol.

Roedd Llywodraeth Cymru wedi darparu cyllid ar gyfer consortia lleol i gefnogi rhoi'r TGAU newydd ar waith. Roedd GwE wedi comisiynu 3 athro ar draws Gogledd Cymru i gefnogi'r fenter hon.

PENDERFYNWYD bod y Pwyllgor yn derbyn y diweddariad ar lafar.

8 CYSAG A CHYDWEITHREDIAD O YSGOL I YSGOL

Rhoddodd Ymgynghorydd Herio GwE ddiweddariad ar lafar ar y digwyddiad hyfforddi a'r ffordd ymlaen.

Anogwyd ysgolion i weithio ar y cyd ag ysgolion eraill i gefnogi a datblygu pob maes o fewn y cwricwlwm. Cyfarfu 50 o ysgolion ym mis Mehefin a Gorffennaf i dderbyn hyfforddiant ar y tri sgil craidd yn y maes llafur y cytunwyd arno.

Roedd ysgolion yn gobeithio y byddai adnodd yn cael ei greu ac y byddai'r holl wybodaeth o'r sesiynau hyfforddi ar gael yn genedlaethol ac ar y Canolbwynt Cymreig.

Dywedodd Ymgynghorydd Herio GwE y gallai fod ar ffurf ysgrifenedig a bod posibl iddo gael ei gyflwyno yng nghyfarfod nesaf CYSAG.

PENDERFYNWYD bod y Pwyllgor yn derbyn y diweddariad ar lafar.

9 CCYSAGC

Cofnodion CCYSAGC – 23 Mehefin 2016

Cyflwynwyd cofnodion cyfarfod Cymdeithas CYSAG Cymru (CCYSAGC) a gynhaliwyd ar 23 Mehefin 2016 (a ddosbarthwyd yn flaenorol) yn Sir Ddinbych er gwybodaeth i'r Aelodau.

Gofynnwyd bod cynrychiolydd Dyneiddiol yn cael gwahoddiad i gyfarfod CYSAG yn y dyfodol. Cytunodd Ymgynghorydd Heriol GwE i anfon gwahoddiad.

PENDERFYNWYD derbyn a nodi cofnodion cyfarfod CCYSAGC a gynhaliwyd ar 23 Mehefin 2016.

10 DYDDIAD Y CYFARFOD NESAF

Mae cyfarfod nesaf CYSAG Sir Ddinbych wedi'i drefnu ar gyfer 13 Chwefror 2017. Lleoliad i'w gadarnhau gan fod Aelodau wedi gofyn i'r cyfarfod gael ei gynnal yn Ysgol Uwchradd Dinbych. Cadarnhaodd yr Ymgynghorydd Herio y byddai'n cysylltu â'r ysgol.

Daeth y cyfarfod i ben am 11.55 a.m.